

不集淵虬蟠而不躍驕虞窮於冥昧朱華牙而未秀陰陽相診寒燠緣第七政吉凶陵谷易所啟雷輪確於龍潛之月凝霜肅殺于朱明之運玉燭不照沈醴不涌郊場多壘嘉生不遂其豈他哉誠由四凶不去元凱不舉用者不賢賢者不用也然高概遠量被褐懷玉守靜潔志无欲於物藏器淵渟得意遺世非禮不動非時不見困而無悶窮而不悔樂天任命混一榮辱進無悅色退無戚容者固有伏死乎甕牖安肯銜沽以進趨揭其不賞之寶以競燕石之售哉孔墨之道昔曾不行孟軻楊雄亦居困否有德無時有自來耳世無離朱阜白泥馬時乏管青駢蹇秣馬磧磔積於金匱瑾瑜委于溝洫匠石緬而遐淪梓豫忽而莫識已矣悲夫我生不辰弗先弗後將見吳土之化為晉城南民之變成北隸也言猶在耳而孫氏與觀抱朴子聞之曰二君之言可為來戒故錄于篇欲後代知有吳失國匪降自天也若苟諱國惡纖介不貶則董狐無貴於直筆賈誼將受譏於過秦乎

抱朴子外篇卷之三十四

真十二

正一天師清微弟子 洪百堅 製作

道教學術資訊網站

抱朴子外篇卷之三十五

守培

抱朴子曰余友人潘君先生者慕寢丘之墓草簡塋土以葺宇錚精藝文意忽學稼屨失有年飢色在顏或人難曰夫知禮在於廉實施博由乎貨豐高出於有餘儉生乎不足故十千美於詩人食貨首乎八政躬稼甚克配之業耦耕有不改之樂奇士之居也進則侶鴻鸞以振翮退則參陶白之理治仕必霸王居必千金是以昔人必科膏壤以分利勤四體以稼穡播原菽之與與茂嘉蔬之翼翼收楚秬之千倉積我庾之惟億出連騎以游畋入侯服而王食而先生之宅此也亢陽則出谷曬塵重陰則滔天凌丘陵无含秀之苗水无吐穗之株稗穉曠於園廩薪爨廢於庖厨怡爾執待免之志淡然无去就之謀吾恐首陽之事必見於今丹山之困可主而須人為子寒心子何晏然而弗憂也夫觀機而不作不可以言明安土而不移眾庶之常事豈翫鮑者忘蘭而大迷者易性乎何先生未寤

之久也鄙人惑焉不識所謂夫衮冕非禦錄  
鑄之服典誥非救飢寒之具也胡不眎沃衍  
於四郊躬田畷之良業捨六藝之迂闊收萬  
箱以賑乏乎潛居先生曰夫曠者不可督之  
以分雅鄭瞽者不可責之以別丹漆井鼃不  
可語以滄海庸俗不中說以經術吾子苟知  
老農之小功未喻面牆之巨拙何異拾瑣沙  
而捐隋和向炯燭而背白日也夫好尚不可  
以一概乾趨舍不可以彼我易也夫欲隋閣  
風陟蒿華者必不留行於丘垤意在乎游南  
○  
溟汎滄海者豈暇道遙於潢沔是以注清聽  
於九韶者巴人之聲不能悅其耳烹大牢饗  
方丈者荼蓼之味不能甘其口鷓鴣屎赤膏  
以高翔鶴鴿傲蓬林以鼓翼沔隆殊途亦飛  
之極晦朔甚促朝菌不識蟬蛸忽忽於寸陰  
野馬六月而後息鱸鮒汎濫以暴鱗靈虬勿  
用乎不測行業非舛意何可得余雖藜藿之  
不充而足於鼎食矣故列子不以其乏而貪  
鄭陽之祿曾參不以其貧而易晉楚之富夫  
收微言於將墜者周孔之遐武也情華萃於

爲利者孟叟之罪人也造遠者莫能兼通於  
岐路有爲者莫能並舉於耕學體瘁而神豫  
亦何問於居約且又處壻則勞勞則不學以  
而清至矣居沃則逸逸則不學奢而奢來矣  
清者福之所集也奢者禍之所赴也福集則  
雖微可著雖衰可興焉禍赴則雖強可弱雖  
存可亡焉此不期而必會不招而自來者也  
故君子欲正其末必端其本欲饒其流則遏  
其源故道德之功達而奢靡之門閉矣蓋聖  
至德而佃不復種重華大聖而漁不償網然  
○  
後玉璫表管丘之祚大功有二十之高何必  
識之以情類而察才以相士乎夫二人分財  
取少爲廉余今讓天下之豐沃處茲邦之福  
壻舍安昌之膏腴取北郭之無欲誠萬物之  
可細亦何往而不足哉北辰以不改爲衆星  
之尊五嶽以不遷爲群望之宗蟋蟀屢移而  
不貴魚鱉深則達患方將墜九典之蕪蕪  
播六德之嘉穀廢田遊於上土之科其牧豎  
乎天地之間何必耕也爲務哉昔被衣以弃  
財止盜庚氏以推璧厲貪疏廣散金以除子

孫之禍叔取塔以研可欲之憂牛缺以載  
珍致寇陶谷以多藏召殃得失較然可無鑿  
乎於是閱者抑然良久口張而不能吐首僂  
而不能仰慨而嗟乎始悟立不朽之言者不  
以產素汨和追下惟之績者不以窺園涓目  
子以吳鷄之甘呼鶯鳳梓蟹之計要猛虎豈  
不陋乎鄙哉子之不夙知也

抱朴子外篇卷之三十五